



西子

元和郡縣圖志卷第

嶺南道四

桂管經畧使

桂州 始安郡督府 開元戶三萬六千二百六十五 元和戶八千六百六十七

管州十二 梧州


柳州 嚴州 融州

思唐州

管縣四十七

禹貢荊州之域漢元鼎六年置零陵郡今州即零陵郡之始安縣也吳歸命侯甘露元年於此置始安郡屬荊州晉

梧州 昭州 象州 富州 桂州



屬廣州梁天監六年立桂州於蒼梧鬱林之境因桂江以
為名大同六年移於今治開皇十年置總管府大業三年
罷州為始安郡武德四年復為桂州總管府七年改為都
督府天寶元年改為始安郡至德元年改為建陵郡

州境東西三百八十二里
南北一百二十八里

八到北至上都三十七百五里
北至東都三十四百四十五里

東北至道州四百八十里
南至蒙州三百五十里

東南水路至梧州六百三十里

東南至昭州二百三十五里

西南至象州五百二十里

西至柳州五百三十里

西北至融州四百九十里

貢賦開元貢
元和貢

銅鏡四十面
銀一百兩

管縣下

臨桂

全義

靈川

陽朔

永福

建陵

治定

慕化

永豐

荔浦

臨桂縣上下本漢治安縣屬零陵郡至德二年改為臨桂

桂江一名離水經縣東去縣十步揚僕平南越出零陵下

灘水即謂此也

駸鹿山一名福祿山在縣東北十五里

全義縣中下南至州
一百五十里本漢始安縣之地武德四年分置臨源縣

大曆三年改為全義縣

越城嶠在縣北三里即五嶺之最西嶺也

湘水出縣東南八十里陽朔山下經零陵郡西十里陽朔

山即零陵山也其初則觴為之舟至洞庭日月若出入其

中

故越城在縣西南五十里漢高后時遣周竈擊南越趙佗
踞險為城竈不能踰嶺即此也

靈川縣中下西南至州龍朔二年分始安縣置東臨桂江冷山在
縣西南一百里出滑石

陽朔縣中下北至州一百四里本漢始安縣地開皇十年分置陽朔縣取
陽朔山為名也皇朝因之

灘水在縣西二十里

永福縣中下東北至州武德四年析始安縣之永福鄉置因以為
名

白石水經縣東去縣七步

建陵縣中下北至州三百四里本漢荔浦縣地吳孫氏置縣梁武帝立為

郡開皇十年廢為縣後因之

建水出縣北建山南流經縣東

駱駝水在縣西七里

治定縣中上東北至州三百里隋仁壽初分始安縣置至德二年改為

治定縣

慕化縣中下東北至州二百二十里武德四年析始安縣置

常安水東去縣七步

永豐縣中下北至州二百一十里吳甘露元年析漢荔浦縣之永豐鄉置開

皇十年省入陽朔縣武德四年復置

荔浦縣中下北至州二百四十七里本漢舊縣因荔水為名屬蒼梧郡縣南有

荔平關今廢吳屬始安郡隋改屬桂州武德四年於此置

荔州貞觀十二年州廢縣復屬桂州

荔江水在縣南一里

梧州蒼梧開元戶一千二百九元和戶一千八百七十

鄉九

古越地也秦南取百越以為桂林郡秦末趙佗自立為南

越王其地復屬為漢元鼎六年平呂嘉又以其地為蒼梧

郡之廣信縣也領縣十一自漢至陳為郡不改開皇十年

罷郡為蒼梧縣屬靜州大業三年罷靜州復為蒼梧郡武

德五年於郡置梧州

州境東西一百一十里南北三百八十里

八列西北取桂州路至上都四千三百三十五里

西北至東都四千七百五里東西流至封州五十里

西北行流至富州三百二十里正南微西至義州三百里

西南流至藤州一百里西北至桂州六百三十里

貢賦開元貢元和貢白石英百英二十兩

管縣三 蒼梧 戎城 孟陵

蒼梧縣下本漢蒼梧郡廣信縣地也自漢迄陳不改開皇

十年罷郡於此立蒼梧縣皇朝因之

通星山在縣北六十二里漢劉曜為太守常登此山仰觀

鬱水南去縣八里

戎城縣下界北至本漢廣信縣地梁於此置遂城開皇十年廢

則南征頓兵於此改為戎城縣皇朝因之縣北臨西江水

孟陵縣下南至州水路九十里本漢舊縣也屬蒼梧郡隋省武德四年重

置屬藤州貞觀八年改屬梧州

賀州臨賀開元戶二千五百三十七

鄉十

漢蒼梧郡地今州即蒼梧郡之臨賀縣也吳黃武五年割

蒼梧置臨賀水出州東北界西流又注臨水郡對臨賀二

水故取名焉吳屬荊州晉屬廣州開皇元年以郡為賀州

大業二年廢州以縣屬蒼梧郡武德五年復置賀州

州境東西三百七十里

八到西北至上都三千八百五十五里

西至昭州三百里

西北至東都三千五百九十五里

貢賦開元貢 雀布 蛇蛭 元和貢 銀三十兩

石斛 千金藤 班字強字面

管縣六 (賀臨) 封陽 馮乘 桂嶺 蕩山 富川

臨賀縣下本漢舊縣也自漢至陳不改大業二年省臨賀

縣入富川縣十二年重置屬蒼梧郡武德四年改屬賀州

縣北四十里有大山，有東遊龍中二治百姓採沙燒錫

以取利焉

臨水東去縣十步又有賀水合更名臨賀水

封陽縣下北至州二百四十五里本漢舊縣屬蒼梧郡在封水之陽故名吳

屬臨賀郡隋屬桂州武德年屬州

長林山在縣東五里

臨賀水東去縣百步

馮乘縣下東南至州一百八十里本漢舊縣屬蒼梧郡界內有馮溪因以為

名吳屬臨賀郡至隋不改大業三年改零陵郡武德四年

屬賀州

萌渚嶠在縣北一百三十里即五嶺之第四嶺也按今縣

與道州江華縣分界於此嶠之上

錫治三

桂嶺縣下西南至州八十二里本漢臨賀縣之地吳分置建興縣屬臨賀郡

晉改為晋安縣開皇十八年改為桂嶺縣屬連州因界內

桂嶺為名武德四年改屬賀州

桂嶺在縣東十五里

程峒在縣東南一百二十里

朝峒縣在北四十五里並有鐵鉏自隋至今採取

蕩山縣下東至州一百七十二里蕭梁於此立大業二年省武德四年復置

蕩山在縣西七里

富川縣下東南至州二百四十五里本漢舊縣屬蒼梧郡吳屬臨賀郡隋屬桂

州武德四年改屬賀州

鍾乳穴三

靈溪水今名富水去縣西二里

昭州平樂 開元戶七千三
元和戶一千五百七十八

鄉十二
鄉七

本漢蒼梧郡之富川縣地也吳甘露元年分富川縣置平

樂縣屬始安郡至隋不改武德四年於縣置樂州貞觀八

年改樂州為昭州取境內昭潭為名

州境 東西一百七十三里
南北三百三十七里

八到 西北至上都三千九百三十五里
西北至東都三千六百七十五里

東至賀州三百里
西北至桂州二百里水路三百里
北過嶺至永州六百里

貢賦 開元貢
元和貢 銀三十兩
銀三十兩

管縣三 平樂 恭城 永平

平樂縣 下郭 本漢富川縣地吳於此置平樂縣取平溪為名

具序州目

巖山在縣北三十八里巖有兩孔相對如人目瞳子白黑

分明因號為目巖

縈山在縣南十里山有水客

縣東三十一里有陽里穴柳溪穴新穴皆出鍾乳

平樂溪在縣南三里水西約岸有昭潭周迴一里其深不

測

恭城縣 下西南至州
九十里 武德四年析平樂縣置

銀殿山其下有鍾乳穴十二所在縣東二十八里

平樂水西去縣二百步

永平縣下西南至州七十里證聖元年割平樂縣永平鄉置因鄉為名

縣南臨永平水西流入平樂縣界

象州象郡開元中三千二百九十元和中二百三十三

漢平南越置鬱林郡今州即鬱林郡中潯潭中二縣地也

開皇十一年廢二縣以潭中縣為桂林縣仍以桂林置象

州大業二年廢象州以桂林林屬桂州武德四年平蕭銑析

桂林立武德縣仍於縣治重置象州取界內象山為名

州境東西南北

八到北至上都四千二百二十五里西南至巖州二百八十里東至康州陸路一百九十里

東北至東都三千九百六十五里東南至潯州二百一十里西至柳州一百六十里

貢賦開元貢銀元和貢銀二十兩

管縣三 陽壽 武仙 武化

陽壽縣下郭下本漢中潯縣之地也開皇十一年廢中潯縣入

桂林縣又析桂林置陽壽縣屬州

象山在縣西北三里

陽水南去縣二十步

武仙縣下西北至州百二十里武德四年析桂州建陵縣南置

武化縣下西南至州六十三里武德四年析桂州建陵縣之南界置屬吳

州貞觀十二年廢晏州改屬象州

柳州龍城開元戶一千三百七十四
元和戶一千二百八十七

柳十四
柳九

本漢鬱林郡潭中縣之地迄陳不改開皇十一年改潭中
為桂林縣仍析桂林為馬平縣屬象州隋末陷賊武德四
年蕭銑於此置昆州又改為南昆州貞觀八年改為柳州

因柳江為名

州境東西北

八到北至上都四千二百四十五里

東至柳州五百四十里

東北至東都四千二百四十五里

東至象州一百六十里

貢賦開元貢

銀二十兩

管縣五 馬平 龍城 洛容 洛封 象縣

馬平縣下隋開皇十一年析桂林縣置屬象州貞觀屬柳

潭水東去縣二百步

柳江在縣南三十步

龍城縣下東南至州八十八里開皇十年析桂林縣置

潭水在縣西十里

龍溪水經南入潭水

洛容縣下東南至州一百二十里永徽中置屬嚴州天授二年割屬柳州

洛封縣下東南至州一百七十里一本烏蛮所住村名乾封二年招慰蠻戶

因為縣

象嶽下西南至州陳於今縣南四十五里置象郡開皇九年廢郡為縣龍朔三年為賊所蕪乾封二年復置總章元年割

屬柳州

嚴州循德開元戶一千六百六十

鄉十四

本漢鬱林郡中潯縣之地乾封二年於廢昆州樂沙縣置

嚴州仍改樂沙縣為懷義縣州城南枕大江當桂州往邕

州之路在嚴崗之上因為名

州境東西一千四百四十一里

八到北至上都四千四百五十里

西南至賓州一百九十里

東北至東都四千一百二十五里

南至澄州二百二十六里

東北至柳州陸路二百里

管縣二 循德 來賓

循德縣郭下武德四年析桂林立陽德縣其年又改名循德

縣本屬柳州永徽初割入嚴州仍為治州

古郎山在縣西四十里

都泥江南去州一里

來賓縣下東至州本樂沙縣也乾封二年為懷義縣天寶二

年改曰來賓在都泥北來賓水東故以為名

融州融水開元戶一千七百七

鄉七

本漢鬱林郡潭中縣地也自漢迄宋不改蕭齊於此置齊

熙郡梁大同中又於郡治置東寧州開皇十一年改為歸
州廢齊熙郡為義熙縣大業二年州廢武德四年平蕭銑
於義熙縣復置融州因州界內融山為名

州境東四百四十七里
南四百九十七里

八到北至上郡取桂州四千一百九十五里
東至桂州四百九十五里
南至柳州水路三百八十里陸路二百三十里

貢賦開元貢
元和貢
黃藤
防風
金二兩
桂二十五斤

管縣二 融水 武陽

融水縣下開皇十一年改齊熙郡為義熙縣屬融州武德

六年改為融水

銅鼓山在縣西南二十五里

隋建縣下西北至開皇十九年分武林縣置屬藤州貞觀

七年割屬龍州 盧越水在縣東南一百一十步

大同縣下南至州本漢鬱林郡布山之地也貞觀七年於

此置大同縣屬龍州 花憐水在縣東北二十步

陽川縣下東南至本漢布山縣地貞觀七年於此置西平縣

屬龍州天寶元年改為一陽川

仙人山在縣東北三十里

潯江南去縣三十五里

富州開州開元戶一千三百一十一戶

鄉四
鄉四

禹貢荊州之域漢平南越置蒼梧郡今州即漢蒼梧郡之

臨賀縣地也梁武帝分臨賀郡置南靜郡開皇中廢武德五年重置靜州貞觀八年改為富州因富川水為名也

州境東西一百七十六里南北一百八十里

八到西北至上都四十九百五里北至東都三千八百三十五里

東北至賀州三百一十里西至蒙州九十里

東南沿流至梧州三百二十里西北至昭州一百六十里

貢賦開元貢班布五疋元和貢班布五疋銀

管縣三 龍平 開江 思勳

龍平縣下本漢臨賀縣地也梁于此立南靜郡開皇十一年廢以龍平縣屬桂州貞觀八年改置富州縣割屬焉

離水東去縣二十一步

融溪水在縣北五十二里

武陽縣下東北至州開皇十一年析義熙縣置臨泮縣永徽元年廢入融水龍朔二年重置改為武陽

武陽溪水在縣東十里

龔州臨江開元戶二千四百二十元和戶二百七十六

柳十五柳十五

古越地也漢平南越置蒼梧郡今州即蒼梧猛陵縣之地

也晉分猛陵置永平郡又為永平郡之武林縣地也貞觀

三年於此置蔞州於今州東六十五里於蔞州舊治置龔

州都督府因龔江以為名也

州境東北

八到元至上都取梧桂路四千五百七十五里

東至藤州一百四十里

北至東都四千三百一十五里

西南至潯州泝流二百三十里

正北微東至蒙州二百三十里

銀二千兩

貢賦開元貢

元和貢

管縣五

平南

武林

隋建

大同

陽川

平南縣下

本漢猛陵地縣貞觀七年於此置平南縣屬冀

州

鷲石在縣東南十里

龔江一名潯江亦名都泥江在縣南五十步

武林縣

下西北至潯

本漢猛陵縣地宋元嘉二年置武林縣屬

永平郡隋屬藤州貞觀七年割屬龔州潯江南去縣十五里

富川水經縣南又東入灘水

開江縣

下北至潯

本漢猛陵縣地梁於此置開江郡開皇十年

罷郡為縣以屬靜州大業二年廢武德五年復置屬梧州

神龍元年割屬富州

桂江在縣西二里

思勉縣

下南至州

百四十里右聖曆元年分龍平縣置二年於縣置武

安州開元二年廢以縣屬富州

富川水在縣東五十步南流

印崗山在縣北四十五里

蒙州下

開元戶千六百三十七
元和戶二百七十二

本漢蒼梧郡地今州即漢蒼梧郡之荔浦縣也開皇十年
分置隋化縣屬桂州武德五年於此置南恭州貞觀八年
改為蒙州因蒙水以為名

州境東西南北

八到西北至上都四千五百三十二里
北至東都二千七百九十二里

南至蕪州三百五十五里
西南至象州三百五十五里
北至桂州三百四十七里

東至富州九十里
西北至桂州荔浦縣八十里

貢賦開元貢
元和貢

金
錢金十兩

管縣三 立山 正義 東區

立山縣下本開皇十年分荔浦置隋化縣屬桂州武德五
年置立山縣屬荔州改屬蒙州

蒙水舊名涇水在縣北二里

正義縣下東南至
州三百里武德五年分荔浦縣置屬荔州改屬蒙州

蒙水在縣南四里乳穴二

東區縣下西北至州
八十里武德五年分荔浦縣置

涇水西北去縣三十五里

葛叢鎮在縣城內

思唐州下
元和十六年

鄉二

永崇二年前桂州司馬夏侯處廉奏割契蒙象三州置開
元二十四年奏為羈縻州建中元年昇為立州額

州境東西南北

八到西北至上都四千二百一十里
北至東都三千九百五十里

南至襄州一百四十里
北至蒙州一百六十里

貢賦開元貢 銀一十兩

東至雷州三百五十里
西至蒙州一百八十里

管縣二 武郎 平原

武郎縣下右與州同時置前臨馳禮江

唐嶺在縣西南四十里與平原縣分界

平原縣下東北至右與州同時置前臨思洪江

元和郡縣圖志卷第二十七

元和郡縣圖志卷第三十八

嶺南道五

邕管經畧使 邕州 貴州 賓州 澄州 橫州

欽州 潯州 靈州

安南都護 交州 愛州 驩州 峯州 陸州

演州 朝上貢 長州 郡州 諒州 武彞州

唐林州 武定州 貢州 附上貢

兼管羈縻州三十一

今為邕管經畧理所

管州八 邕州 貴州 賓州 澄州 橫州 峯州

涿州 雲州

管縣三十二

邕州開元戶一千六百二十四

御十二

古越地也秦併南越為桂林縣地在漢為鬱林郡之領方縣地也晉於此置晉興郡隋開皇十四年廢晉興郡為晉興縣屬簡州大業三年州廢以縣屬鬱林郡武德四年於此置南晉州貞觀六年改為邕州因州西南邕溪水為名乾封二年置都督府後為夷獠所隔移府於貴州景雲二年州界平定復於邕州置都督府

州境東西南北

八到北至上都取象州路四千七百七十五里取藤州路五千四十五里北至東都四千五百八十五里東至欽州三百三十里西南至讓州二百八十里東南至潯州二百四十里

貢賦

管縣七 宣化 武緣 晉興 朗寧 思籠 如和

封陵

宣化縣下郭下本漢領方縣地開皇十四年於此置晉興縣十八年改為宣化縣屬鬱林郡武德屬邕州

鬱江水經縣南二十步

左溪右溪在縣東西流至縣東南同注鬱江

武緣縣中西至州本漢領方縣地開皇十一年於此置武緣縣

屬綠州大業三年廢武德五年又置

鬱江水經縣南去縣三十步

都稜鎮在縣西水路一百里

晉興縣中下南至州一百里本漢領方縣晉於此置晉興縣開皇十曰

年省武德五年又置

朗寧縣中下南至州一百八十里本漢蓋增食邑縣地也武德五年分置朗

寧縣屬南晉州改屬邕州

思籠縣中下東至州三百里

如和縣中下西南至州一百里

右二縣並景雲後置

封陵縣中下東北至州九十里本漢合浦縣之地武德五年析欽州南賓

安京二縣地置如和縣因縣西南四十里如和山為名屬

欽州景雲二年割屬邕州

貴州懷澤下開元戶三十六百二十九

鄉十九

本西甌駱越之地秦併天下置桂林郡尉佗王越改桂林

為鬱州後又為桂林元鼎六年平南夷改桂林為鬱林郡

梁時於郡置南定州開皇十年罷鬱林等郡改南定州大

業二年改君州為鬱州三年罷州為鬱林郡隋末陷賊武

德四年平蕭銑於郡置南尹州并置總管府八年改南尹

州為貴州

州境東西二百三十七里
南北三百一十七里

八利西北至上都取梧州路四千八百七十五里取象州路四千五百八里
西北至東都四百六十三里取象州路四百三十三里

東北於流至潯州二百一十五里陸路一百四十里 東至縉州一百里
南至鬱林州二百四十里 西南於流至橫州二百七十里
西至賓州三百二十五里 北至象州三百一十里

貢賦 開元貢 紵布

管縣四 鬱林 懷澤 義山 潮水

鬱林縣上本漢廣鬱縣也吳改為陰平晉改為鬱平開皇

十年於此置鬱林縣屬鬱林郡武德屬桂州

顯朝岡在縣北二十里陸績為太守每登此岡制渾天圖

鬱江水南去縣十五步

石井亦名司命井在縣北二里竭則人疾疫歲不登

懷澤縣下北至州一百里本漢鬱林縣地武德四年置

義山縣下東北至州八十里本漢廣鬱縣地開皇十年置馬度縣因縣

南三十里馬度山為名武德四年改為馬嶺天寶元年改

為義山

潮水縣下東至州五里本漢廣鬱縣地武德四年分置潮水縣

浮溪水在縣南十三步

賓州領方開元戶一千八百九十五

鄉十一

古越地也今州剛漢鬱林郡之領方縣也至隋不改隋亂

陷賊貞觀五年析澄川三縣於此置賓州

州境東西二百三十二里
南北六十三里

八到北至上都四千五百九十五里
東北至東都四千三百三十五里

西南至龜州二百四十五里
西北至澄州八十八里

東至貴州二百二十五里
東北至嚴州二百九十里

貢賦開元貢銀筒布蕉布

管縣三 領方 瑯琊 保成

領方縣下本漢舊縣也吳改為臨浦縣隋復為領方屬鬱

林郡貞觀割屬賓州武德四年析領方縣置屬南方州

都茨水去縣二十三里

瑯琊縣下北至州武德四年析領方縣屬南方州貞觀割屬

賓州

瑯琊水在縣西一里

保城縣下西至州本漢廣鬱縣地屬鬱林郡梁置安成郡隋改

縣屬鬱林郡貞觀割入賓州至德年改名保城

可零水出縣西平地北流

澄州下開元戶二千一百六十五

鄉十一

古越地也今州即漢鬱林郡之領方縣地也漢領方縣今

賓州領方縣也自漢迄隋其地不改隋亂陷賊武德四年

平蕭銑於此置南方州貞觀八年改為澄州

州境東西三百五十三里
南北三百三里

八到東北至東都四千三百七十五里
北至上都四千六百三十五里

東至貴州三百四十二里
西至龜州三百三十九里

南至賓州八十里
北至嚴州三百三十里

貢賦 開元貢 銀

管縣四 上林 無虞 止戈 賀水

上林縣下本漢領方縣地也武德四年分置上林洞口因以為名

都澧水在縣北一百步

無虞縣下西南至州三十里武德四年析領方縣置屬南方州改屬澄

州

羅富山在縣西北五里

都澧水在縣北一里

止戈縣下東南至州八十里武德四年析領方縣置屬南方州改屬澄州

賀江水一名都泥江在縣北一百九十里

賀水縣中西南至州一百九十里武德四年析柳州馬平縣置屬南方州改

屬澄州

都泥江在縣北一百四十里

橫州寧浦下開元戶一千二百七十八

鄉十七

古越地趙佗王越地亦屬之漢平南越置合浦郡今州即漢合浦郡之高涼縣地也在今高州界晉于合浦北都置寧浦郡開皇十年廢為縣以屬簡州十八年改為簡州為綠州大業三年廢州為鬱林郡隋末陷賊武德四年年兼

鏡重置南簡州貞觀八年改為橫州至德移于舊州東七里鬱江北岸

州境東西一百三十二里
南北一百一十一里

八列北至上都收買家州路四十七百五十五里取藤州水路四千二百七十三里
至東都四十八百一十里
東北至貴州水路二百七十五里
西南至歙州水路相兼三百一十里

貢賦開元一貢銀

管縣四 寧浦 樂山 涼風 嶺山

寧浦縣下本溪高涼縣地吳分為寧浦縣開皇屬鬱林郡

貞觀屬橫州

鬱江水俗名莫江北去縣十步

樂山縣下西至州水
路百三本溪廣鬱縣之地陳于此置樂陽郡開皇

十年廢郡為縣仍為樂山屬緣州大業改為鬱林郡貞觀

改屬橫州

蠻江南去縣七步

涼風縣下西至州
九十里武德四年析寧浦縣之北界置

鬱江水往縣西去縣百步

嶺山縣下東至州
一百里本溪高涼縣之地梁于此置嶺山郡開皇十

年廢郡為縣屬鬱林郡武德四年改屬橫州

蠻江北去縣五步

欽州寧越開元戶二千二百八

鄉十二

此三行...本誌...詳...存...備

古越地非九州之域尉佗王越亦屬焉漢平南越置合浦郡今州即合浦郡之合浦縣地也按合浦在廉州界宋分合浦置宋壽郡梁武帝於今欽江縣南三里置安州開皇十八年改安州為欽州取欽江為名也大業三年改為寧越郡武德四年平蕭銑改為州仍為都督府貞觀元年罷都督府復為州

州境 東西六百七十三里 南北四百四十四里

八到 北至上都五千五百五十五里 東北至東都四千八百五十五里 西南至陸州七百四十里

東北至橫州三百十里 東至廉州三百三十里

貢賦 開元貢 銀 金

管縣五 欽江 安京 遵化 內亭 廬山

欽江縣 下郭 本漢合浦縣之地宋於此置宋壽郡開皇十九年罷郡為欽江縣屬欽州皇朝因之

豐子嶺在縣北一百二十里

欽江在縣東二百步

西零戍在縣南三里

安京縣 下西 梁武帝分宋壽郡於此置安京郡開皇十年廢郡為縣屬欽州皇朝因之

羅浮山在縣北十里俗傳似循州羅浮山因名之

遵化縣 下西南 隋開皇二十年置本合浦縣地也

欽江水源出縣東北閣博山

內亭縣下東南至州二百里本漢合浦縣地開皇十七年置名新化縣

十八年改名內亭屬州皇朝因之因內亭水為名

虛山縣下南至州九十里水路二百二十里開皇十八年於州北四十八里置南

賓縣貞觀十年後於峯子嶺南天寶元年改為虛山縣今

南四十里謂之水步即是欽州北來人泝流捨舟登陸處

潯州下潯江開元戶一千七百一十六

御五

本漢合浦郡地貞觀七年分置潯州取北潯江為名十二

年廢入龔州長壽元年又割龔州桂平皇化大賓三縣重

置潯州

州境東西南北

八到北至上都四千六百九十五里東北至東都四千二百七十五里南至潯州八十里

東北洽流至龔州二百二十里西南泝流至貴州二百陸行一百里

西北至象州陸行二百一十里

管縣三 桂平 皇化 大賓

桂平縣下郭下本梁於此置桂平郡開皇十年罷郡為縣屬鬱

林郡貞觀七年於縣置潯州十二年廢以縣又屬焉

皇化縣下西至州三千里開皇十一年置因縣東一里皇化水為名大

業二年廢貞觀七年復立

大賓縣下西至州四千里開皇十五年分桂平縣置以縣西北賓水為

名武德七年曾於縣置潯州後移於桂平縣

密字校平作密
於唐書作密

巒州 永定

本漢領方縣地貞觀末永徽初置後以巒僅背叛廢於其
城置驛開元十五年李尚隱重奏置

州境東南

八到西北至上都取橫象州路四十八百五十五里
西北至東都四百三十五里
東流至橫州二百三十五里
西流至邕州百五十里

管縣三 永定 武羅 靈竹

永定縣下

武羅縣下 北至州
七十里

靈竹縣 西至州
九十里

安南都護府文址 開元戶二萬五千六百九十四

今為安南都護理所

羈縻州三十二

管州十三 交州 愛州 驩州 峯州 演州

陸州朝貢 長州 郡州 諒州 武安州

唐林州 武定州 貢州已上
附貢

管縣三十六 都管戶二萬七千二百三十五

古越地也秦始皇平百越以為桂林象郡今州即秦象郡
地也趙佗王南越地又屬焉元昆六年平百越遷定越地
以為南海蒼梧鬱林合浦交趾九真日南珠崖儋耳九真

鄉五十五
鄉五十六

元封五年置刺史以部之名曰交趾者既必南講夷其
 大指廣兩足並立則交焉漢本定為交趾刺史不稱州以
 別于十二州建安八年張津為刺史士燮為太守共表請
 立為州自此始稱交州焉吳黃武五年分交趾日南九真
 合浦四郡為交州南海鬱林蒼梧三郡為廣州尋省廣州還併
 交州以番禺為交州所理後又徙於交趾晉太康中徙理
 龍編開皇十年罷交趾郡為玉州仁壽四年置總管府大
 業三年罷州後為交趾郡武德四年又改為交州總管府
 永徽二年改為安南都護府兼置節度大曆三年罷節度
 置經畧使仍鎮南為安南都護府貞元六年又加招討處

置使

府境

八到

貢賦

管縣八

交趾 龍編

東西五百一十六里
 南北七百九十二里

北至上都六千四百五里水路六千六百四十里
 北至東都五千七百八十五里水路六千三百八十里
 東至海水路約四百里

西南至愛州五百里水行七百里
 西北至峯州一百二十里

開元貢 孔雀 玳瑁 犀角 琥珀 黃犀 翠毛 翡翠 翡翠 翡翠 翡翠

東北至陸州水行百里
 西北至姚州水陸相兼未有里

今貢犀角 草豆蔻 蘇布 鮫魚皮 白露鮮

宋平 武平 平道 太平 南定 朱野

宋平縣上本漢日南郡西捲縣地宋分立宋平縣屬九德

郡後改為宋平郡開皇十年改為交州武德四年于此置

宋州貞觀元年廢宋州改屬交州

慈廣水徑縣南二里

蘇晉江南去縣二百步

安陽王故城在縣東北三十一里蓋昔交州之地

羸樓音連故城在縣西七十五里本漢縣屬交州郡有差

官後漢交阯刺史理于此後徙龍編

武平縣中下西南至府九十里本扶嚴夷城地也吳歸命侯建衡三年破

扶嚴夷置武平郡開皇十年廢郡立崇平縣屬交州武德

四年改名武平

平道縣中下西北至府辛里本扶嚴夷地吳時開為武平郡立平道縣屬

之開皇十年廢縣屬交州

仙山縣東北十三里隱嶙數百里則龍編之西門也

太平縣中下東北至府六十里本扶嚴夷地開皇十年分武平置隆平縣

開元元年改名太平

南定縣中下東北至府六十里本漢羸樓縣地貞元七年於此置南定縣

其舊南定縣在今縣東南二百餘里羈縻長州側近開元

十年後廢

朱鳶縣上東南至府五里本漢舊縣也屬交阯郡至隋不改武德四

年於此置鳶州貞觀九年廢縣屬交州

朱鳶江北去縣一里後漢馬援南征鑄銅缸於此揚排燧火

炙缸頭今赤以燧踊浪及殺巨鱗橫海之類

交趾縣中下東南至府二十五里本漢龍編縣地開皇十年分置交趾縣武德四年於此置慈州貞觀元年州廢縣屬交州

泊江水西北自崇平縣界流入至此故名

慈廉水北去縣西四十步

龍編縣中下西北至府四十五里本漢縣也屬交趾郡立縣之始蛟龍盤編

於江津之間因以為瑞而名縣也武德四年於此置龍州

貞觀元年州廢縣屬交州

朱鷺江在縣北即操榆水之一源也盧循之寇交州也刺

史杜慧度率軍水步晨出南津以火箭攻之燒其舡艦一

時潰散循亦中矢赴水而死

交州故城在縣東十四里吳時刺史陶橫所築

石九子母祠在縣東十四里

愛州九真開元戶一萬四千五百七十九元戶五千三百七十九

鄉二十五知八

秦象郡地也漢元鼎六年平南越置九真郡領青浦居風

都龐音龍餘發咸驩無功無編七縣屬交趾刺史梁武帝於

郡理置愛州太業三年改愛為九真郡武德五年丘和歸

國罷郡復為愛州

州境東西二百八十二里南北四百一十里

八到北至上都六千四百七十五里北至東都六千二百一十五里

東北至長州水行四百一十里西至小株界水行二百九十里

東至廣州一百四十五里南至廣州二百五十五里西至廣州三百一十里

貢賦開元貢

孔雀毛 賦錦

孔雀尾 具

翡翠 百枚

犀角 千斤

管縣五

九真

安順

崇平

日南

軍寧

九真縣下本漢居風縣地也吳改居風為移風開皇十七年分移風置縣屬愛州後漢任延為九真太守舊俗以獵射為業不知牛耕人常告糴交趾每致困乏延乃令作田器教之墾闢百姓充給

居風山在縣西四里上有風穴長風自是出焉其山出金

珠山在縣西三里

安鎮山在縣南三十一里出石磬勝于湘州零陵者

安順縣

下西北至州九里

本漢居風縣地吳改為移風又分置常樂縣

屬九真郡開皇十年改屬愛州十六年改為安順縣皇朝因之

浮岳山在縣西五里

崇平縣

下北至州三里

本漢居風縣地晉於此立為高安縣屬九真

郡開皇十年改屬愛州十八年改高安為隆安開元元年改為崇安至德三年又改為崇平

日南縣

下北至州三里

本漢居風縣地晉分置津梧縣開皇年析置

日南縣屬愛州皇朝因之

鑿山在縣北一百三十里昔馬援征林邑阻風波乃鑿此

山鑿為通道因以為名

海在縣東七十里

軍寧縣下陳寧水漢都龐縣也晉分立軍安縣屬九真郡開

皇十年改屬愛州至德二年改名軍寧

驩州開元戶六千六百四十九元和戶三千八百四十二

十四
十六

古越地九夷之國越裳代重九譯者也在秦為象郡漢平

南越又置九真吳歸命侯天紀二年分九真之咸驩縣置

九德縣屬交州梁武帝於此置德州開皇十八年改為驩

州取咸驩縣為名也大業三年改為日南郡武德五年改

為南德州仍置總管府貞觀元年改為驩州兼管羈縻州

六

州境東西南北

八到北至上都六千八百七十五里東至海一百里北至溘州二百五十里東南至東都六千六百一十五里南至林邑國界一百九十里

貢賦元和貢象牙沉香翡翠犀角黃屑

管縣二 九德 越裳

九德縣下西至州五里本吳所立屬九德郡後改屬驩州

越裳縣下西至州七十里本吳所置因越裳國以為名也屬九德郡武

德初屬智州後屬驩州

峯州承化開元四縣共三千五百六十一元和戶一千五百八十二

十五
十八

古夜郎國之地按今新昌縣界有夜郎漢秦象郡之地漢

平南越置交趾郡之荒彌冷縣地也吳歸命侯建衡三年

分交阯立新昌郡陳于此置興州開皇十八年改為棗州

大業二年州廢以縣屬交州武德四年又置棗州

管羈糜州二十八

州境東南九十七里
南北六十五里

八到北至上都六千一百五里
北至東都五千八百四十五里
南至海口江一百里

東南至安南府二百三十里
北至羈糜平南州界二百里

貢賦開元貢
今貢

八委條 苴菴
苴菴三千三百顆

檳榔 耕地
翠毛二百合

犀角四十斤

管縣二 嘉寧 承化

嘉寧縣下本漢麓冷縣地也吳分其地立嘉寧縣後因之

焉

承化縣下東南至州五里本麓冷縣地也天寶元年分置承化縣漢

交阯麓冷女子微側及妹微貳反稱王伏波將軍授討平

之地也

陸州

玉山 開元戶一千九百三十由
元和戶二百三十一

鄉六
鄉三

本漢交阯郡地梁大同元年於郡分置黃州開皇十八年

改為陸州以在海南有陸路通海北因為名州在窮海

不生菽粟又無絲綿唯捕海物以易衣食蓋島夷卉服之

類也

州境東西七百一十里
南北五十四里

八到西北至上都水陸相兼六千一百二十里
西北至東都五千八百六十里

貢賦 開元貢 玳瑁 麋皮 甲香 今貢同

管縣三 寧海 烏雷 華清

寧海縣 下郭 本梁安海武德四年又置海平至德二載更今

名

羅珮山在縣東九里其山在大海中

烏雷縣 下甌亞 州里 本在州東水路三百里物章元年置在海島

中因烏雷州為名大曆三年與州同移於安海縣理

狗理山在縣東四里

華清縣 下西亞 州里 本名玉山縣天寶元年改名華清本在烏雷

縣地四十里大曆三年與州同移於安海縣理南枕大海

官井山在縣東約五十里相傳越王逆海泊舡於此為無

淡水因鑿名為井因號焉

濱州龍池 元和九千四百五十

嶺三

古南越地漢九真郡之咸驩縣地也自漢迄隋不改武德

五年於此置驩州領安人扶演相景西源四縣貞觀元年

以德州改此為濱州因濱水為名其州西抵海當中國往

林邑扶南之大路也

州境 東西南北

八到 北至上都六千七百二十五里 東至大海六里

北至安州二百五十里

北至東都六千四百六十五里 南至驩州一百五十里

貢賦 開元貢 元和貢 孔雀尾 黃屑 金薄 黃屑

管縣三 忠義 懷驩 龍池

忠義縣 郭下本漢咸驩地 廣德二年分置忠義縣

懷驩縣 下東至州二十四里 本漢咸驩縣武德五年分置安人縣為

演州所理貞觀二十四年廢州改安人縣為懷恩天寶二

年又改為懷驩廣德二年復置演州仍移理忠義縣

龍池縣 下南至州二百二十里 本漢無編縣地也蓋夷獠所附免其徭役

數以無編為名後漢省垂拱二年於此置龍池縣仍於縣

理立山州廣德二年廢山州以縣屬演州

大海在縣東四里

附貢州

長州 文陽下 西北至州約二百里

管縣四 文陽縣 銅蔡縣 長山縣

其常縣 戶都六百四十八

貢金

郡州 西北至府約一百九十五里

管縣二 郡口縣 安樂縣 戶都三百三十五

貢白蠟二十斤 孔雀尾二具 蚌地胆二枚

諒州 西北至府約二百五十里

管縣二 文諒縣 長上縣 戶都五百五十

元春君里志
貢白增二十三斤

武安州 武曲 西至府約一百十里

管縣二 武安縣 臨江縣 戶都四百五十八

貢朝霞布食單

唐林州 北至府約一千里

管縣二 唐林縣 安遠縣 戶都三百一十七

貢白增二十斤

武定州 東至府三百二十里

管縣二 扶印縣 潭湍縣 戶都一千二百

貢翠毛二百二十合

貴州 西南至府約二百五十里

管縣二 武興縣 古邛縣 戶都三百十八

貢翠毛三百合

元和郡縣圖志卷第三十八

元和郡縣圖志卷第三十九

隴右道上

管州二十一

秦州 渭州 武州 蘭州 河州

鄯州 廓州 岷州 洮州 疊州

芳州 宕州 臨州

涼州自涼州已下 甘州 肅州

沙州 伊州 瓜州 西州 庭州

秦州 天水 中府 開元戶二萬五千七百三十九

高祖雍州之域古西戎地周孝王時其地始為秦邑孝王

使非子主馬于汧渭之間馬犬蕃息孝王邑秦使為附庸
今天水隴縣秦亭秦谷是也其後秦仲始大襄公列為諸
侯武公伐邽滅而縣之今州理上邽即秦之舊縣也始
皇分天下為三十六郡此為隴西地漢武帝元鼎三年分
隴西置天水取天水名由此湖也王莽末隗囂據其地後
漢建武永平之後改天水曰漢陽郡魏分隴右為秦州因
秦邑以為名後省入雍州晉復改漢陽為天水郡武帝泰
始中又立秦川郡與州同理開皇三年罷郡所領縣並屬
州大業三年罷州為天水郡隋末陷于盜賊武德二年討
平薛舉改置秦州仍立隴管府天寶元年改為天水郡乾

元元年復為秦州寶應二年陷於西蕃

州境東西四百三十九里
南北五百五十九里

八到東至上都八百里
東至東都一千六百六十里
東北至隴州三百六十里
西至渭州三百里
西至成州一百八十里
東北至原州四百六十里

貢賦

管縣五 上邽 伏羗 隴城 清水 成紀

上邽縣上本邽地秦伐邽而置縣焉漢屬隴西郡
晉屬天水郡後魏以避道武諱改曰上邽廢縣為鎮大業
元年復為上邽縣屬天水郡武德屬秦州

嶠冢山在縣西南五十八里漾水之所出也東流為漢水
渭水在縣北十二里西自伏羗縣界流入段谷水源出縣
東南山下蜀將姜維為鄧艾所破於段谷星散流離即此
谷也

司馬宣王壘俗名上募城在縣東二里魏明帝太和五年
諸葛亮寇天水詔大將軍距之此其壘也

諸葛亮壘俗名下募城在縣東二里初亮出議者或欲自
芟上邽左右麥以奪賊食帝不從又勅令護麥及宣王與
亮相持賴此麥以為軍糧

姜維壘在北八里

漢高祖廟在縣東北五里隗囂自立為大將軍聘平陵人
方望為軍師勸囂立高祖廟以取信於人

伏羗縣

中東北至州一百二十里

本冀戎地秦伐冀戎而置縣為漢

冀縣屬天水郡後漢隗囂自稱西伯都於此後魏以冀為

當亭周為黃瓜大業二年改黃瓜為黃城縣武德三年初

立伏州仍置伏羗縣八年罷伏州以縣屬秦州

朱圜山在縣西南六十里上有石鼓不擊而自鳴則有兵
起

渭水經縣北去縣一里

縣城本秦冀縣也隗囂稱西伯都此時冀人有謠曰出冀

門望羗郡有一跛人欲上天謂天可上地上安得人買卒
敗

隴城縣中西南至州一百一十里本漢略陽道屬天水郡初隗囂之
據異城也未歛從上道襲得略陽城囂乃使王元拒隴坻
牛邯軍瓦亭囂自率衆攻略陽郡開皇三年罷郡河陽縣
從理馬六年改為隴城縣

大龍山在縣東一百里

略陽川水北去縣三十步

瓦亭山在縣東北二百餘里隗囂使將牛邯守處其山亦
入原州界又有街泉亭蜀將馬謖為魏將張郃所敗

清水縣中下西南至州一百二十五里本漢舊縣也屬天水郡後魏分

略陽置清水郡隋開皇三年罷郡縣屬秦州

小隴山一名隴坻又名分水嶺隗囂時來歙襲得略陽囂

使王元拒隴坂九迴不知高幾里每山東人西役升此瞻

望莫不悲思隴山有水東西分流因號驛為分水驛行人

歌曰隴頭流水鳴聲幽咽遙見秦川肝腸斷絕東去大震

關五十里上多鸚鵡

成紀縣中東南至州一百里本漢舊縣也屬天水伏羲氏母日華

前有履大人跡生伏羲於成紀即此丘也周成紀縣屬略

陽郡開皇三年罷郡縣屬秦州皇朝因之

瓦亭川水東去縣一十五里

渭州隴西開元戶五千二百三十二 鄉十一四

禹貢雍州之域古西戎地戰國時羗戎雜居其地秦昭王伐得義渠戎始置隴西郡按天水有大坂名曰隴坻郡處坻西故曰隴西有鐵官監官漢末隗囂竊據建武十年囂降隴右平仍舊為郡靈帝分南安郡魏於此置鎮守鄧艾曰蜀師來而為一我分為四以禦之謂狄道隴西南安岐山處齊王嘉平五年蜀將姜維圍南安襄武皆不尅後魏莊帝永安三年於郡置渭州因渭水為名禹貢導渭自鳥鼠回火山在州西一百二十九里渭源界大業三年罷州

此山在石門山

復置隴西郡隋亂陷賊武德元年西土底平復置渭州寶應二年陷於西蕃

州境東西南北二百八十六里
八到東至上都一千一百里
東至東都一千九百六十里
東南至秦州三百里
西南至岷州二百二十里
東北至原州五百五十里
西北至岐州百九十里

貢賦開元秦芫 麝香
賦麻布

管縣四 襄武 渭源 隴西 彭縣

襄武縣上本漢舊縣也屬隴西郡開皇三年罷郡縣屬渭州大業三年復屬隴西郡武德改屬渭州

渭水北自渭源縣界流入

六泉水在縣東北原上泉源有六因以為名

渭源縣上 正東微南 本漢首陽屬隴西郡西魏大帝分

隴西置渭源郡因渭水為名也開皇三年罷郡縣屬渭州

烏鼠山今名青雀山在縣西七十六里渭水所出凡有三

源並下其同穴鳥如家雀色小其鼠如家鼠色小黃近穴

溲溺氣甚辛棘使人發逆嘔吐牛馬得此氣多疲卧不起

而大汗

隴西縣上 西至本漢獫狁縣也 舊屬天水郡後漢末於

此置南安郡開皇元年獫狁移武陽縣名於郡理屬渭州

陽上當有陰字

八年改武陽為隴西

安都山在縣西四十九里

落門水出縣東南落門谷後漢建武十年來歙大破隗囂

於洛門即此地也

渭水經縣南

彰縣上 東北至本漢彰縣也屬隴西郡永元元年封耿

東為彰侯是也永嘉南渡縣遂廢焉後魏宣武復置屬略

陽開皇三年罷郡縣屬渭州

龍馬山在縣西四十里

鄣水南去縣一里

陽上當有陰字

益井在縣南二里遠近百姓仰給焉

武州 武都 開元戶二千四百五十三 鄉十二

禹貢梁州之域古西戎地也戰國時白馬氏居焉馬氏即西戎之別種也元前六年開白馬氏以其地為武都郡魏太祖以楊阜為武都太守及劉備取漢中魏文帝徙都武於美陽即今好時縣界也後諸葛亮使將攻武都除平遂剋定二郡其地始入於蜀 平後晉復以為郡及永嘉南遷中原昔版武都又為氐楊茂搜其所據羣氐推以為王其後楊難當為宋所破其苗裔復擁衆據武都之仇池山在今成州界後平仇池於仙陵山東置武都鎮宣武帝於鎮

不盡作

城復置武都郡廢帝改置武州大業三年又改為武都郡武德元年復為武州

州境 東西二百五十六里 南北二百九十里
八到 東北至上都二千二百里 東北至東都二千六百里 東至興州三百五十七里 西北至宕州二百五十里 南至文州三百六十里 北至成州三百八十里
貢賦 開元貢 臈燭 椒 賦布

管縣三 將利 福津 盤堤

將利縣 中下 本漢羌道縣地後魏于此置石門縣周閔帝改為將利縣屬永都郡開皇三年罷郡縣屬武州皇朝因

之

仙陵山在縣西六里

武都有紫水泥亦紫溪朝封翼

又出上品雄黃色如鷄冠

羌水一名陵水經州城南二里

福津縣中下西北至本後魏之武階郡也屬南秦州文

帝又置福津縣屬武階郡開皇三年罷郡移福津縣於郡

置焉屬武州皇朝因之

隴東山在縣北四十五里

盤堤縣中下西北至本漢河池縣之地也後魏廢帝於

此置武階郡領盤提縣開皇三年罷郡縣屬武州皇朝因

之

盤堤山在縣東南七十三里

縣城魏鄧艾與蜀將姜維相持於此築城置於蘆成後於

此置縣

蘭州下金城 開元戶四千 鄉一十五

禹貢雍州之域古西羌地也秦并天下是為隴西郡漢武

帝降匈奴以其地置武威酒泉張掖敦煌四郡又分隴西

置天水郡昭帝六年分隴西張掖以為金城郡今州即金

城郡之舊地也初築時得金故曰金城又言金取其堅固

領縣十三宣帝又置金城屬國以處降羌平帝元始四年金城塞外羌獻兼魚鹽之地內屬漢遂得西王母石室以為西海郡以龍夷城即今河源軍西一百八十里威戎城是也後漢建武十三年省金城入隴西郡明帝永平元年復立永惠末前涼張軌分立興晉郡張寔徙金城縣即今州理是也西秦乞伏乾歸都苑川南涼禿髮烏孤都廣武皆此地也苑川在今五泉縣至乞伏慕末為赫連定所滅也廣武縣也至禿髮儆增為乞伏熾盛所滅隋開皇元年立為蘭州置總管府取阜蘭山次為名也大業三年罷州為金城郡武德二年討平薛舉復置蘭州八年置都督府明慶元年罷復為州寶應元年沒於西蕃

州境東西二百一十七里南北六百一十里

八列東南至上都一千四百六十里東至東都二千二百二十里

東至臨州三百九十里
東北至會州三百八十里
西北至鄯州四百里
西南至河州三百里

貢賦 開元貢 麻褐 野馬皮

管縣二 五泉 廣武

五泉縣中下本漢金城縣也屬金城郡前涼張寔徙金城郡理焉開皇三年罷郡縣屬蘭州皇朝因之

康狼山亦名熱薄汗山在縣南一百四十里西秦乞伏乾歸太子熾儆招結諸部二萬七千築城于康狼山以據之

即此山也

黃河流經縣北去縣二十里

金城閉在州城西周武帝置金城津開皇十八年改津為

問

廣武縣中下南五州本漢扶陽縣也前涼張駿三年分

晉興置廣武郡開皇三年罷郡置廣武縣屬蘭州大業二

年改為允吾音似手縣取漢舊名也六年改為會寧縣武德

三年重置廣武縣

琵琶山在縣西北一百五十里北涼沮渠蒙遜恃其強陰

謀圖周乃擁衆南保琵琶山即此也

為逆水在縣西南二十許里水西有馬蹄谷漢武帝使李

廣利伐大宛得天馬胡馬感北風之思遂頓絕羈絆而馳

晨發京城食時至燉煌寨下今谷中石上猶存蹄跡

允吾故城在縣西南一百六十里本漢縣屬金城郡

浩亶故城在縣西南一百三十里漢縣也屬金城郡亶者

水流峽岸深若門也

河州安樂開元戶五千二百八十九鄉一十四

禹貢雍州之域古西羌地也漢昭帝分隴西天水張掖三

郡立金城郡今州即金城郡之枹罕縣也枹音靈帝時隴

西宋建自稱河平王聚衆枹罕改元置百官獻帝建安末

夏侯妙才討平之晉惠帝立枹罕護軍前涼張軌保據涼州
立為興晉郡張駿二十一年以州界遼遠分置河州以禹
首導河積石至於龍門積石州界故曰河州後乞伏熾盤
又自金城都於此後魏平定秦隴西改置枹罕鎮孝文太
和十六年改鎮復為河州大業三年罷州改為枹罕郡武
德二年討平李軌改置河州寶應元年陷於西蕃

州境東西二百二十八里
南北三百七十里

八到東至上節一千四百六十里
東至東都二千三百二十里
東至蘭州三百里
西至邈州三百九十里
東至洮州三百里
西北至善州三百里

貢賦開元貢 麝香 麝金 賦 麻布

管縣三 枹罕 鳳林 大夏

枹罕縣郭下本漢喬縣屬金城郡故罕羌侯是秦滅為縣
後遂因之

積石山一名唐述山今名小積石山在縣西北七十里按
河出積石山在西南麓中注于蒲昌海潛行地下出于積
石為中國河故今人日彼山為大積石此山為小積石
鳳林山在縣北三十五里

河水在縣北五十里河下也按四瀆之中河源最高後高
注下故其流峻急禹貢導河積石至于龍門又曰導洛自

熊耳按洛水出上洛西山徑熊耳之北昭言導者皆謂紀
所施功不必自其源也

鳳林縣東南三州本漢白石縣地後魏大統十二年刺史

楊寬于河南鳳林川置鳳林縣因以為名儀鳳元年于河

州西移安鄉縣理此又名安鄉天寶元年改名鳳林

石門山在縣東北二十八里山高險絕對岸若門即泉蘭

山門也漢武元帝二年置去縣出隴西三阜蘭即此也

雒水西去縣二百步

大夏縣中下西北至木溪舊縣屬隴西郡前涼張駿置

大夏郡縣屬王周改為枹罕郡開皇三年罷郡縣屬河州

玉劍山在縣西二十里

大夏山水經縣南去縣十步

鎮西軍在州西一百八十里開元三年哥舒翰于索恭川

置

振威軍在天成軍西首餘里天寶十三年九月哥舒翰攻

吐蕃鴟窠城置

鄭州西平開元平六千四百四十六鄉一十五

禹貢雍州之域古西戎地也春秋及秦漢為羌胡所居昭

帝元始元年置金城郡按金城州界即金城郡地也後漢獻

帝分置西平郡屬涼州前涼張軌分西平置晉興郡張天

錫以晉惠西平二郡邊遠分為廣源郡後涼呂光改西平
為西河郡尚承先製高祖自稱武成王徙都于此弟倕檀
遷于姑臧後漢徙治于此為乞伏熾磐所併後魏以西平
郡為善善鎮孝昌二年改鎮為鄯州大業三年鄯州復為
西平郡隋武德二年平薛舉開平定改置鄯
州儀鳳二年置都督後為州開元二十一年置陝右節
度使都督兵七萬五千人為一萬六千衣騎二百五十
一萬武德傳西戎統臨洮軍開元中移統節度使置管兵
三萬五千人馬八千四百元河源軍州西百二十里儀鳳
二年郭知運率下吏置管兵一萬四千馬六百五十一疋白

泉軍州西北二百三十里開元五年郭知運置管兵四千
人馬五百疋安人軍河源軍西一百二十里星宿川開元
七年郭知運置管兵萬人馬三百五十疋振威軍州西三
百里開元中信安王禕置管兵千人威戎軍州西北三百
五十里開元一十六年杜希望置管兵十人馬五十疋綏
和守捉州西南二百五十里開元二年郭知運置管兵千
人合川郡守捉州南百八十里貞觀中侯君集置管兵千
人合川郡置州莫門軍洮州城內儀鳳二年置管兵五千
五百人馬二百疋寧塞軍廂州城內管兵百人馬五十疋
積石軍廂州西百八十里儀鳳二年置管兵七千人馬一

百疋鎮西軍 河州城內開元二十六年杜希望置管兵一萬二千人馬三百疋平夷守捉河州城內西南四十餘里

開元二年郭知運置管兵三千人寶應元年没于西蕃

州境東三百五里

八到東南至上都一千九百里

東南至東都二千七百里

東至蘭州二百二十里

西至西海三百七十里

管縣二 湟水 鄯城 龍支

湟水縣鄯下本漢破羌縣地屬金城郡魏分置西都縣屬

西平郡開皇三年罷郡縣屬鄯州十八年改為湟水縣皇

朝因之

土樓山在縣西百三十里下有土樓神祠

湟水名湟河亦謂之樂都水出青海東地亂山中東南流

至蘭西南入黃河

浩亶水今謂之閣門水經縣東去縣五十五里漢宣帝神

爵元年遣後將軍趙充國擊先零羌充國欲罷騎兵屯田

以待其弊計度臨羌東至浩亶羌虜故田人所未墾可二

千頃已上又理湟隄以西道橋七十所令可至鮮水左右

留步士萬人屯田為必禽之具詔從之充國竟以屯田之

利支解先零

鄯城縣中東至州儀鳳二年分湟水縣至北枕湟水西

即土樓山

龍支縣中北至州一本漢允吾縣也屬金城郡後魏初

于此置金城縣廢帝二年改名龍支縣西南有龍支谷因

取為名

積石山在縣西九十八里南由河州枹罕縣分界

黃河在縣西南六十里

廓州下寧塞開元戶三千九百六十四鄉

禹貢雍州之域古西羌地漢宣帝時西羌數背叛後將軍

趙充國屯隴西諸羌不敢動後漢炆當等八種羌為寇段

熲擊破之諸羌弭定獻帝建安中分金城置西平郡南涼

秃髮烏孤又以河南地為洮河郡周建德五年于今州理

西南達化縣界洮河故城置廓州蓋以開廓邊境為義大

業三年罷州復為洮河郡隋亂陷于寇賊武德二年西土

平定改置廓州乾元元年陷于西蕃

州境東西三百九十四里

八到東南至上都二千四十里

東至廓州三百九十里

西至蕃界樹郭城三百二十里

北至新安武騎八十里

貢賦開元貢 赴金 大黃 戎鹽 麝香

管縣三 化城 達化 朱川

化城縣下本後魏石城縣地廢帝二年因境內有化陰谷因改為化陰縣皇朝因之先天 年改為化城縣黃河在縣南八十步

扶延山在縣東北七十里多糜鹿

達化縣下 皇至本後周置達化郡并達化縣開皇三年

漿郡移縣入郡解即今縣是也皇朝因之

黃水成在縣東六十里

朱川縣下 西至木前涼張元錫于此置郡 川成後魏

孝昌二年于成城置廣威縣貞觀十年于本縣東一百二十里黃河南岸置朱川縣屬河州永徽六年移于河北屬

廊州

積石軍在州西南一百五十里儀鳳二年置西臨大湖北

枕黃河即隋澧河郡所理

寧邊軍在積石軍西黃河北

威勝軍在積石軍西八十里宛肅城

余天軍在積石軍西南一百四十里洪濟橋

武寧軍在洪濟橋東南八十里百谷城

曜武軍在州南二百里黑硤州

右寧遠等五軍並天寶十三年哥舒翰奏置

岷州 和政 開元戶三千九百五十 鄉十四

禹貢雍州之域古西羗地也禹貢西傾朱圉烏鼠按西傾

山在洮州之西今州處其東北此則雍州之域明矣在秦

為隴西郡洮縣也白秦至晉不改後魏文帝始于此置岷

州南有岷山因以為稱仍領同和郡又改為臨洮郡開皇

三年罷郡屬岷州大業三年復為臨洮郡隋末淪陷寇賊

義寧二年改置岷州天寶元年改為和政郡乾元元年復

為岷州上元二年因羌叛陷于西蕃

州境東西一百六十三里
南北三百六十七里

八到 東北至上 都一千三百三十六里
東北至東 都二千一百八十六里
東北至渭 州二百三十六里
西南至洮 州一百八十里
南至宕 州三百八十里
北至臨 州三百四十里

貢賦 開元貢 龍鬚席 鸞鷲鳥 犁牛 酥 鵬翎

管縣三 溢樂 祐川 和政

溢樂縣 中下本漢秦之臨洮縣也屬隴西郡後魏置同和

郡縣屬焉開皇三年罷郡縣屬岷州義寧二年改置溢樂

縣

岷山在縣南一里

崆峒山在縣西二十里

州城本秦臨洮城也後漢建初二年金城隴西保塞羌皆反車騎將軍馬防長水校尉耿恭擊平之即此地也

董卓墓在縣北十五步

秦長城首起縣西二十里始皇三十四年并天下使蒙恬將三十萬衆北逐戎狄築長城起臨洮至遼東延袤萬餘

里

祐川縣中下至州七十里西北周明帝武成元年置開皇九年省義

寧二年重置先天元年改為祐川縣取縣西祐川為名也

和政縣州中下至南至本後周洮城郡也武帝保定元年郡

省置同和縣屬同和郡宣政元年改為和政縣開皇三年

罷郡縣為岷州皇朝因之

洮水西南自溢梁縣界流入

和政府在縣西北七里

洮州上府開元三年七百八十四鄉七

高貴雍州之城古西羌地也自秦漢至于魏晉皆諸羌所

居至後魏吐谷渾又侵據其地後周明帝武成中西逐諸

戎其地內屬置洮陽防武帝保定元年立洮州大業三年

罷州改為臨洮郡隋季亂離所在陷沒郡守孫長詢率所

部百姓嬰城固守以義寧元年舉城歸國武德二年復于

此置洮州貞觀四年州移治故洪和城于此置臨洮鎮五

年廢鎮置御諱州八年廢州復移洮州治此永徽元年置
都督府開元十七年廢入岷州二十年於臨潭又置臨州
二十七年又改為洮州廣德元年陷于西蕃

州境東西五百五十里
南北二百二十里
八到東北至上都一千五百里
東至岷州一百八十里
西至黃河六百里
西南至盛州一百八十里
北至河州三百里

貢賦開元貢

管縣二 臨潭 美相

臨潭縣中 本隋美相縣周保定元年置貞觀四年移美

相縣于東北洪和城內五年于州理改置臨潭縣其城東
北三面並枕洮水

洮水出縣西南三百里嶽臺山即禹西傾山也

梓傍山在縣東南十一里梓傍羌語也羌語呼石為梓呼
高為傍因以為名

安西府在縣東四十里周明帝武成元年行軍總管博陵
公賀蘭祥討吐谷渾築此城以保據潭平後因置博陵郡
隋又為縣為洮州貞觀十二年省縣入臨潭十三年于此
置安西府

廣思鎮在縣西一百八十里

莫門軍儀鳳二年置在州城內

神策軍在州西八十里天寶十三年哥舒翰置在洮河南

岸

美相縣中西至州七十五里本漢隋舊縣治在州城貞觀四年移

洮州在此縣亦隨徙焉

霧露山在縣北一十里

疊州合川開元一千二百六十七鄉十一

禹貢梁州之域歷秦漢魏晉諸代常保據焉至後魏其地入吐谷渾周武帝建德六年西逐諸戎始統有其地乃置疊州益取山川重疊為義大業年廢疊州以縣屬洮州武

德二年西二內附于今州西二十九里合川故城置疊州五年陷吐谷渾七年討平之復置疊州今州城在獨山上西臨絕澗南枕羌水十三年置都護府永徽元年罷天寶元年改為疊川郡乾元元年復為疊州

州境東至一百六十五里南至一百二十九里西至一百六十五里北至一百二十九里

八到東至上都一千七百里東至東都二千五百里東至黃河上党項岸二百八十里西至黃河上党項岸二百八十里

貢賦開元貢甘松香麝香酥調麻布

管縣二合川常芳

管縣二合川常芳

合川縣下本周武二年置有三谷水至縣東合流因以

為名周厲西疆郡開皇三年罷縣屬壺州皇朝因之

石鏡山在縣西北四十五里其山石皎徹臨照莫不見其

形體故以為名山有銅窟隋代採鑄今亦填塞

白水一名墊江水在州西六十里

葉水出縣東平地人有患冷者煎水服之多愈

常芳縣中西北至州一百二十里本周武成中所置恒鄉屬芳州郭

下前上元中芳沒蕃神龍元年移縣名于天法山東蘇董

谷西即合縣理是也

芳州 貞觀戶八百六十二

高晉梁州之域秦漢及魏晉皆諸羌所居至後魏吐谷渾

入侵據焉周明帝武成中西逐諸戎始有其地乃于三交口

築城置甘松防武帝建德中改為芳州以為名領恒香深

泉二郡大業二年郡州廢以縣屬扶州隋氏喪亂陷於寇

賊武德元年西邊平定復于常芳縣置芳州高宗上元二

年陷于西蕃

州境東西南北

八到東至上都一千八百四十里

東北至東都二千七百里

東南至扶州三百里

西南至羌直州一百六十里

貢賦 貢 犛牛酥 調麻市

管縣三 常芬 恒香 丹嶺

常芬縣 郭下 本周置屬恒香郡開皇三年罷郡縣屬芳州

唐上元二年陷于西蕃神龍元年移縣名屬登州

素嶺山在縣東七十里春夏常多積雪因名之

甘松府在城內

恒香縣 下 東北至貞觀二年置寄理恒香戍

帝侯山在縣南三里

丹嶺縣 下 東南至本隋置開皇十九年置屬芳州義

寧三年屬甘松郡武德元年罷郡縣屬芳州所管百姓皆是

少頃諸羌界內餘立縣名無城郭居處

湫池在縣西八十里通彌山中週迴百餘里蓋古之天池

大澤白水之源蓋出此也

宕州 下 懷道 開元一千六百五十九 鄉六

禹貢梁州之域古西羌地也自秦漢至漢晉皆諸羌據焉

後魏招撫西戎始有其地有梁弥志者官昌羌也其先羌

豪祖勳自稱官昌王弥志大武初表求內附大武嘉之拜

弥志為官昌王其後迺相傳襲稱蕃于魏謂其地為官昌

藩周天和元年改藩置宕州大業三年罷州復官昌郡武

德元年置官昌郡武德元年置官州天寶元年改為懷道

郡乾元元年復為宕州因宕昌山為名也

州境東西北三百六十五里

八列東北至上都一千四百七十里

西北至東都二千三百三十里

西南至武州二百五十里

西至武州四百八十里

貢賦開元貢越金麝香

懷道縣中下本周武帝天和元年置屬甘松郡開皇三年

蘇州屬宕州皇朝因之

蘇州屬宕州皇朝因之

良恭山在縣北四十里出雌黃

斫花山在縣東北八十里出朱砂雌黃人常採取之宕昌

故城今為交和戎在縣東五十二里

良恭縣西南至州二本周之陽谷縣也武帝天和五年置

宕昌郡開皇三年罷郡縣屬宕州十八年改為良恭縣

願虜山接縣城西北隅東西四十里南北三里

臨州秋道

州境東西北

八列東南至上都一千二百八十里

天寶初割蘭州秋道縣又別置安樂縣置臨州、郭舊有

臨洮軍久視元年置至寶應元年陷於西蕃

狄道縣上

安樂縣下

元和郡縣圖志卷第三十九

元和郡縣圖志卷第三十九

隴右道下

管州八 涼州 甘州 肅州 沙州 瓜州

伊州 西州 庭州

涼州武成中府 開元戶二萬六千一百六十五 鄉一十五

高貞雍州之西界自六國至秦戎狄及月氏居焉後匈奴破月氏殺其王以其頭為飲器月氏乃遠遁大宛西擊大夏而臣之匈奴使休屠王及渾邪王居其地漢武帝之討北邊休屠渾邪數見侵掠單于怒遣使責讓之二王恐見誅乃降漢得其地邊置張掖酒泉燉煌武威四郡昭帝

又紫金城一郡謂之河西五郡改州之雍州為涼州五郡皆屬焉地勢西北邠出在南山之間隔絕而無西極于時魏為新匈奴右臂故帝時涼州教有亂河西五郡去州隔遠自來別立州于是以五郡立為雍州魏又分雍州置涼州領河西五郡晉惠帝永寧元年以張軌為刺史持節護羌校尉會永嘉之亂因保據涼州是為前涼至張天錫為苻堅所滅後十餘年又為呂光所據是為後涼至呂隆為姚興所滅及沮渠蒙遜起兵據張掖是為北涼至沮渠茂俊為後魏所滅及太武帝改州鎮置四軍 成孝文太和十四年後為涼州領威武等十郡二十縣置總管府大

業三年改為武威郡廢總管隋末喪亂隴于寇賊武德二年討平李軌改為涼州置西河節度使都管兵七萬三千又羌胡統赤水軍在涼州城內管兵三萬三千馬一萬三千者莫如赤水幅員五千一百八十 大斗軍涼州西二百里里前推土蓄北臨突厥 本是赤水軍守投開元十六年改為大斗軍因大斗枝谷建康軍証聖元為名管兵七千五百人馬二千四百足 頻被賊鈔遂于王孝傑開鎮周迴以甘肅四州中間遠頻被賊鈔遂于甘州西二百里置此軍管兵五千三百人馬五千三百足東去理所寧校軍甘州東北十餘里天寶二年置 玉門軍七百里也 管兵一千七百七人馬五百餘人 肅州西二百餘里武德中楊恭仁置管兵千人 墨離軍瓜定三百人馬六百匹東去理所一千一百餘里 西去理所一千四百餘里 新泉軍會州西北二百里大 四百人西去理所一千四百餘里 沙州城內以當匈奴要路山川 七千人西去理所 豆盧軍 澗神龍初置立豆盧軍以鎮之兵 所四百里也 豆盧軍

四千五百人馬四百元張掖守捉東去理所五百里管兵六
去理所一千七百餘里涼州西北三千五百人馬一千元
交城守捉涼州西二百白亭軍涼州西北三千五百人天寶元
年改為武威郡乾元二年復為涼州廣德二年陷于西蕃
州城本司奴新築漢置為縣城不方有頭尾兩石為鳥城
南北七里西三里地有龍形亦名臥龍城

州境東西四百里南北八百三十里
八到東北至上都取秦州路二千里取蘭臯路一千六十
里

東南至東都二千八百六十里

貢賦 開元貢 馬皮五張 細褐 白麥 柔毛氈

管縣五 姑臧 昌松 神烏 嘉麟

天寶

姑臧縣上郭下本漢舊縣屬武威郡因姑臧山為名亦言故
匈奴蓋臧城後人音訛為姑臧焉
姑臧南山一名雪山在縣南二百三十里

天梯山在縣南二十五里

白亭軍在縣北三百里馬城河東岸舊置守捉天寶十年
哥舒翰改置軍因白亭海為名也

文車澤在縣東三十里前秦苻堅遣將軍苟萇毛盛將軍
伐北涼造機械衝車于此因名

休屠城在縣北六十里漢休屠縣也

明威戍在縣北百八十里

武安成在縣西北百六十里

武興鹽池省魚鹽池並在縣界百姓咸取給焉

昌松縣上舊本漢葷葷縣張天錫改置武興縣後廢武德

三年又于城內置神烏縣與姑臧各理神烏理西姑臧理

東貞觀年廢總章元年又置也

神烏縣西北至州一百二十里一本漢蒼松縣屬武威郡後梁置昌松

郡縣焉高開皇三年改昌松為永年縣後以重台復為昌

松

金山在縣南一百八十里麗水出焉

蒼松故城在縣東北十里漢蒼松縣也

麗水府在縣城中

白馬成在縣東北五十里

嘉麟縣州下東南至本漢宣威縣地前涼張軌於此置

興武郡後涼呂光改置嘉麟縣後廢萬歲通天年重置

天寶縣中下東至州本漢番盤音禾縣屬張掖郡北涼沮

渠蒙遜立為番禾郡後魏太武帝平涼罷郡置軍開皇三

年改為縣皇朝因之天寶中改為天寶縣

甘州張掖下開元戶五千四百四十鄉十七

禹貢雍州之域自六國至秦戎狄月氏居焉漢初為匈奴

右地武帝元鼎六年使將軍趙破匈奴出令居焉分

武威酒泉地置張掖燉煌郡斷匈奴之右臂自張其掖因以為名初屬張軌後涼末段業亦嘗據此地後業為北涼沮渠蒙遜所殺據之後又遷理姑臧後魏太武平涼以為張掖軍廢帝二年改軍置甘州因州東甘峻山為名或言地多甘草故名大業三年罷州為張掖郡隋亂陷賊武德二年討平李軌改置甘州永泰二年陷於西蕃

州境東西北一千三百七十里

八到東南至上都二千五百里

東至涼州五百里

東南至東都三千三百六十里
西至肅州四百里
南至大雪山二千三百里
東北至花門山一千四百五十里

貢賦開元貢 野馬皮 白柰 枸杞

管縣二 張掖 刪丹

張掖縣下本漢縣屬張掖郡本匈奴驃得王野居因以名之晉改名永平縣開皇三年改永平為酒泉縣大業二年改為張掖縣取舊郡為名也皇朝因之

合黎山俗名要塗山在縣西北二百里禹貢導弱水至于合黎

祁連山在縣西南二百里張掖酒泉二界上美水茂草山中冬溫夏涼宜牛羊乳酪濃好夏瀉酥不用器物置于草上不解散作酥特好一斛酪得斗餘酥

雪山在縣南一百里多材木箭竿

甘峻山在縣東北四十五里出貴骸鷹稱為奇絕常充貢

獻

居延海在縣東北一百六十里即居延澤古文以為流沙

者風吹流行故曰流沙

鹽池在縣北九百三十里其鹽潔白甘美隨月虧盈周迴

一百步

建昌軍在州西北一百九十里

剛丹縣中下西至州本漢舊縣屬張掖郡按馬支山一

名剛丹山故以名縣山在縣南五十里東西百餘里南北

二十里水草茂美與祁連同匈奴失祁連馬支二山乃歌

曰亡我祁連山使我六畜不繁息失我馬支山使我婦女

無顏色

弱水在縣南山下

大斗枝谷在縣南二百里大業五年煬帝躬率將士出西

平道討吐渾還此谷會大霖雨士卒凍餒死者十六七

寧寇軍在居延水兩汊中天寶二年置

肅州酒泉開元戶二千二百五十二 鄉八

禹貢雍州之域古西戎地也六國時月支居焉後匈奴所

逐奔逃西徙匈奴得其地使休屠昆邪王分守之武帝元

狩二年昆邪王殺休屠王并將其衆來降以其地為武威
酒泉郡以隔絕胡與羌通之路以城下有泉其味若酒故
名酒泉初屬張軌後涼呂光復據極後魏道武天興三年
晉昌太守唐移撥六郡推武昭王為王為大都督涼公秦
涼二州牧自敦煌遷都於此號西涼王後沮渠蒙遜復據
有其地後魏大武平沮渠氏以酒泉為軍屬敦煌鎮明帝
孝昌中改鎮立瓜州復置酒泉郡開皇三年罷郡立酒泉
鎮所領縣並屬甘州仁壽二年以境宇遠遠分甘州置肅
州隋末陷於突賊武德元年河右底定復於酒泉縣置肅
州大曆元年陷於西蕃

州境東西五百六十四里
南北五百四十里
八到東南至上都二千九百里
東至甘州四百里
東南至東都二千七百六十里
南至甘州四百里
南至土蕃雪嶺二千五百里
西北至葭蘆泉五百里
貢賦開元貢野馬皮礪石肉菘蓉栢麻根

管縣三 酒泉 福祿 玉門

酒泉縣中郭下本漢福祿縣也屬酒泉郡自漢至隋不改義
寧元年分置酒泉縣初西涼武昭王自敦煌遷都於此至
子歆為沮渠蒙遜所破

崑崙山在縣西南八十里周穆王見西王母樂而忘歸即

此山

洞庭山在縣西七十里四面懸絕人不能上遙望巖巖如鑄銅色山中出金

白亭海在縣東北百四十里一名會水以衆水所會故曰會水以北有白亭故以白亭海方俗之間河北得水便名為河塞谷有水便名為海

渡虜障在縣北二百四十里李陵與單于戰處隋鎮將楊女於其地得銅弩牙箭鏃

西涼武昭王陵在縣西十五里

福祿縣州中下西至本漢樂涇音屬敦煌郡後魏大武帝

平沮渠茂虔改縣為成隸敦煌鎮孝文帝改為樂涇縣隋

改縣為鎮武德二年置福祿縣取舊名也

崆峒山在縣東南六十里黃帝西見廣成子于崆峒漢武帝行幸雍祠五時遂登崆峒並為此山也

祁連戎在縣東南一百二十里

鹽池在縣東北八十里周迴百姓仰給焉

玉門縣中下東至州二百二十里本漢舊縣屬酒泉郡漢罷玉

門關屯成徙其人于此因以為名縣後孝明帝改為玉門郡周武帝省入會稽縣開皇十年復改為玉門縣皇朝因

之

金山在縣東六十里出金

獨登山在縣北十里其山出鹽鮮白甘美有異常鹽取克

貢款

石脂水在縣東南一百八十里泉有苔如肥肉燃之極明

水上有黑脂人以草蓋取用塗鵠夷酒囊及膏車周武帝

宣政中突厥圍酒泉取此脂燃火焚其攻其得水逾明酒

泉賴以獲濟

王門軍開元中王門縣為吐蕃所陷因于縣城置王門軍

天寶十四年哥舒翰奏廢軍重置縣

沙州中府

開元元六十四百六十六

鄉十三

禹貢雍州之域古戎地也左傳所謂允姓之戎居于瓜州

注云在今敦煌是也漢武帝元鼎六年酒泉置敦煌郡今

州即其地也前涼張駿於此置沙州蓋因鳴沙山為名流

沙即居延澤也以四胡校尉楊宣為刺史後三年宣讓州

復改為燉煌郡京武昭王初都於此後又遷於酒泉後魏

太武帝於郡置敦煌鎮明帝罷鎮立瓜州地為名也尋又

改為義州莊帝又改為瓜州大業三年又罷州為敦煌郡

隋末喪亂陷於殺賊武德二年西土平定置瓜州五年改

為沙州建中二年陷於西蕃皇朝以敦煌為燉煌

州境東西北

八到東南至上都三千七百里

東至瓜州三百里
東南至東都四百五十里
西至石城鎮一千五百里

西至吐蕃界三百里
北至伊州七百里
貢賦 開元貢 野馬皮 石膏 茶子石 牦羊角

管縣二 燉煌 壽昌

燉煌縣上郭下本漢舊縣也屬燉煌郡周武帝改為鳴沙縣
以界有鳴沙山因以為名大業二年復為敦煌敦大也
其開廣西域故以盛名

三危山在縣南三十里山有三峯故曰三危尚書竄三苗
于三危即此山也

鳴沙山一名神沙山在縣南七里今按其山積沙為之峯
巒危峭踰於山石四面皆為沙壠昔有如刀刃人登之即
鳴隨足顛落經宿風吹落輒復如舊

有一泉水名曰沙井綿歷古今沙填不滿水極甘美懸泉
水在縣東百三十里出懸泉山漢將李廣利伐大宛還士
衆渴之引佩刀刺山飛泉湧出即此也水有靈車馬大至
即出多少至即出少

鹽池在縣東四十七里池中鹽常自生百姓仰給焉

壽昌縣中下東至州本漢龍勒縣因山為名屬敦煌郡

周武帝省入鳴沙縣大業十一年於城內置龍勒府武德

二年改置壽昌因縣南壽昌澤為名也

龍勒水在縣南百八十里龍勒山上李陵發兵至遮虜障東浚稽山南龍勒水上徘徊觀虜所見即此水

陽關在縣西六里以居玉門關之南故曰陽關本漢置也謂之南道西趣鄯善莎車後魏嘗於此置陽關縣周廢玉門故關在縣西北百一十八里謂之北道西趣車師前庭及疏勒此西域之門戶也班超在西域上疏曰臣幸得護西域如自以壽終屯部誠無所恨恐後代謂臣沒西域臣能無依風首丘之思哉臣不敢望到酒泉郡但願生入玉門關即此是也

豆盧軍仲龍元年嘗在州城內

瓜州晉呂開元戶

本漢酒泉郡元鼎六年分酒泉置敦煌郡今州即酒泉敦煌二郡之地晉惠帝之分二郡置晉昌郡周武帝改為永興郡開皇三年罷郡縣為瓜州按隋瓜州即今沙州也大業三年改瓜州為敦煌郡武德五年改瓜州別于晉昌瓜州地出美瓜故取名焉瓜食其瓜不見首尾大曆十一年陷于西蕃

州境東西三百九十三里南北六百八十四里

八到東南至上都三千四百里東南至肅州四百八十里

東南至東都回千二百六十里
西至沙州三百里
南至大雪山二百四十里

貢賦 開元貢 草鼓子 吉莫皮

晉縣二 晉昌 常樂

晉昌縣 中下 本漢冥安縣屬敦煌郡因縣界冥水為名也
晉光武中改屬晉昌郡周武帝省入涼興郡開皇四年改
為常樂縣屬瓜州武德七年為晉昌縣

雪山在縣南百六十里積雪夏不銷東南九十里南連吐
谷渾界

冥水自吐谷渾界流入大澤東西二百六十里南北六十

里豐水草宜畜牧

玉門關在縣東二十步

合河戍在縣東北八十里在州西二百步蓋神龍元年置之

常樂縣 中下 東至州一百一十五里本漢廣至縣地屬敦煌郡魏分廣

至置宜禾縣後魏明帝改置常樂郡隋於此置常樂鎮武
德五年置常樂之縣也

伊州 伊吾 開元戶一千七百二十九 鄉七

禹貢九州之外古戎地古稱昆吾周穆王伐西戎昆吾獻
赤刀後轉為伊吾周襄戎狄雜居涇渭之北伊吾之地又

為匈奴所得及秦始皇攘戎狄築長城以界中國漢武時
驃騎將軍擊破匈奴右地始築令居以西初置酒泉郡後
分置武威張掖敦煌四郡據兩關焉兩關即陽關玉門
也王莽時地屬匈奴後漢明帝永平十六年北征匈奴取
伊吾廬地宜禾都尉以為屯田兵鎮之所未為郡縣後復
為匈奴所得白建武至于孝和三通三絕至順帝時以伊
吾舊膏腴之地傍近西域匈奴資之以為鈔暴開屯田
如故事置伊吾司馬一人至魏立伊吾縣晉立伊吾都尉
並寄理敦煌北界非今之伊州後魏及周又有鄯人來居
之大業六年得其地以為伊吾郡隋亂又為群胡居焉貞

觀四年割等慕化內附于其地置伊州

州境東西一千一十五里
南北四百九十里

八到東南至上都回千四百三十里
西南至西州七百三十里
東南至東都五千一百六十里
東南取莫賀磧路至瓜州九百里
正南微東至沙州七百里

貢賦開元貢 刀 陰牙角

管縣三 伊吾 柔遠 納職

伊吾縣郭下 本後漢伊吾屯 貞觀四年置縣

天山一名白山一名時羅漫山在州北一百二十里春夏
有雪出好米及金鐵匈奴謂之天山遇之皆下馬拜

鹹池海在縣南三百里週迴百餘里州東北四澗水註南
流至州南七八里合流為一水側近皆有長田

春夏潤文

柔遠縣下西北至貞觀四年置縣東有柔遠故鎮因以

為名黃置守捉

天山在縣北二十里

柳谷水有東西二源出縣東北天山南流十五里合

納職縣下東北至州一貞觀四年置其城郭善人所立

胡為郡善為納我因此名縣焉後漢明帝留于此置宜禾都

尉

俱容山在縣北百四十里山北二十里正拉蒲類海其蒲
類海後漢桓帝時匈奴呼衍王寇伊吾司馬毛愷遣吏兵
五百人與戰悉為所沒即此海也

統海名良田漢將趙充國所屯也俗名婆悉厥海

伊吾軍在州西北三百里時羅漫山北甘露川置刺史為

使景龍四年置

陸蘆池在州南六十里週迴十餘里無魚水自生如海蘆

月滿則蘆多而甘月虧則蘆少而苦

西州交河開元戶一萬一千六百四十七 鄉二十四

本漢車師國之高昌壁也後漢和帝永元三年班超定西

域以超為都護復置戊巳校尉治車師前部高昌壁以其地勢高敞人物昌盛因名高昌晉成帝咸和中張駿置高昌郡後魏太武時有闕爽者自為高昌太守真君中爽為沮渠無諱所襲奪據之無諱死弟安周代立為蠕蠕所併蠕蠕以闕伯周為高昌王高昌之稱王自此始也太和初伯周死子義咸立歲餘為從兄首歸所殺自立為高昌王五年主阿伏至羅殺首歸以燉煌孟明為高昌王太和二十年孟明為國人所殺立馬儒為王以麴嘉為長史遣使內附高昌人戀本土不願東遷相與殺王而立麴嘉麴嘉卒子堅立堅立卒子伯雅來朝以隋煬帝字文氏女王波

為華容公主夏之伯雅卒子文泰立遣使貢獻其後漸失臣禮貞觀十四年詔兵部尚書侯君集統薛萬鈞牛進達等總兵討之文泰病死子智盛立八月君集進兵破之下其二十二城獲戶八千列其地為西州并置西安都護以統之顯慶三年改置都督府天寶元年復為西州貞元七年沒於西蕃

州境東西八百九十五里

八列東南至上都五千三十里

東南至伊州七百三十里
 東南至東都五千五百里
 西南至烏耆七百二十里
 東南至金州一千四百里
 南至樓蘭國一千二百里

並砂磧難行

北至金婆嶺至北庭都護五百里

貢賦開元戶七貢 麤毛 乾蒲萄 刺窠

管縣五 前庭 柳中 交河 天山 蒲昌

前庭縣部上下貞觀十四年置高昌縣取舊高昌國為名也

天寶元年改為前庭縣

天山夷名折羅漫山在縣北三十里

交河在縣西高昌國土良沃穀麥一歲再熟出赤鹽其味

甚美澤間有草名為年刺其上生蜜食之與蜂不異名曰

刺窠有鹽其狀如玉取以為枕貢之中國

柳中縣中下西至州貞觀十四年置當驛路城極險固

天山在縣東北

大沙海在縣東南九十里

交河縣中下東南至州本漢車師前王庭也按車師前

王國治交河城自漢迄於後魏車師君長相承不絕後魏

之後湮滅無聞蓋為匈奴所併高昌據其地貞觀十四年

於此置交河縣與州同置

交河出縣北天山水分流於城下因以為名

天山縣上東至州一百五十里貞觀十四年置

蒲昌縣中下西南至州一百八十里貞觀十四年置本名金蒲城

車師後王庭也

天山軍在州城內開元二年置本漢車師後王庭烏孫之

東境也貞觀十四年置

庭州北庭 開元戶二千六百七十六 鄉五

庭州因王庭以為名也後為賊所攻掠蕭條荒廢明慶中

重修置以來濟為刺史治宛葦焉謂州所管諸蕃奉勅背

為置州府以其大首領為都督刺史司馬又置參將一人

知表疏等事其俗帳居隨水草帳門皆向東開門向慕

皇風也其漢戶皆龍朔已後流移人也長安二年改置北

庭都護府按三十六蕃開元二十一年改置北庭節度使

都管兵二萬人馬五千以防制突騎施堅昆斬啜突騎施

三十餘里北堅昆七千里管瀚海軍北庭都護府城內長
東去斬啜一千里為湖海軍開元中蓋嘉運重天山軍城內
三年郭元振改為湖海軍開元中蓋嘉運重天山軍城內
加修築管兵一萬二千人馬四千二百匹天山軍城內
開元二年置管兵五千五百里伊吾軍川景龍四年管兵三千
馬五百匹在理南五百里伊吾軍川景龍四年管兵三千
人馬三百匹在理南五百里伊吾軍川景龍四年管兵三千
州境東南西北
八到東南至上都九百七十里
東南至伊州九百七十里
東南至東都六百七十里
東南至西州五百三十里
西南至馬者鎮一千一百里
西北至堅昆衙帳約一千一百里
西至碎葉二千二百里
東至迴鶻衙帳三千三百里
貢賦 開元貢 陰牙角 連霍角 內沙 阿魏 延胡索

卷四十一 十七

管縣二 後庭 蒲類 輪臺

後庭縣郭下貞觀十四年於州南置蒲昌縣長安二年改

為金蒲縣寶應元年改為後庭縣

蒲類縣南五州貞觀十四年置因蒲類海為名先天二年

為默啜所陷開元十四年復置

輪臺縣東至州四十二里長安二年置

清海軍在府西七百里舊名鎮城鎮天寶中改名清海

軍

俱六鎮在州西二百四十里

憑落鎮在府西三百七十里

當碎葉路

神山鎮在府南五十里

當西州路

沙鉢鎮在府西五十里

當碎葉路

蒲類鎮在蒲類縣置

祁連鎮當蒲類東北四十里

當迴鶻路

醜泉鎮在蒲類縣二百里

當迴鶻路

特羅堡子

在蒲類縣東北二百餘里四面有積置堡子處因迴約二千里有好水草即往

迴鶻之東路



右元和郡縣圖志四十卷唐宰相李吉甫所上也吉甫病
古今地理家著錄不得其要獨取蕭何收秦圖書而究天
下阨塞戶口多少者以為準則不待詳閱其書而其體
要卓然可紀也已吉甫再相蓋元和六年此志自載其所
常建白者二事改復天德舊城則在八年更置宥州於經
略軍則在九年其年十月吉甫遂薨于位則是書又其當
國日久乃始纂述此於唐家郡縣疆境方面險要必皆熟
按當時圖籍言之最為可據又其言曰志凡四十七鎮
皆有圖冠其篇首故以圖志名之圖今亡矣獨志存焉耳
憲宗經略諸鎮吉甫實贊成之其於河北淮西悉嘗圖上

地形憲宗得以坐覽要害而隄定策畫者圖之助多也惜乎其不存志傳寫久有闕逸又謫誤不敢強補謹書其有益者以示可傳而已淳熙二年五月一日秘書少監臣大

昌叙

張幾仲帥襄陽且行謂予曰以余之好異書知世間有甚欲之而無其力者矣之鎮筸暇期取古書有益者刻木而布傳之庶其費寡而人可得是亦一為政也秘藏多書蓋異擇見授予思之有元和郡縣圖志者其所記地理多唐家制度本朝疆理天下率多本唐則是書之備稽究特與今宜予嘗即蓬山藏本之

未或列其所以可傳者矣苟欲誼惠夫人則莫此為要逆錄寄之以逆其雅好幾仲名子類今以敷文閣待制在鎮淳熙二年至日新安程大昌泰之書

右元和郡國圖志四十卷目錄二卷唐元和八年丞相李
趙公吉甫所上也後三百六十有二年今京西牧待制張
公幾仲始刻板于襄陽幕府按新唐藝文志著錄是書為
五十四卷會要折而兩之一曰州縣郡國圖三十卷一曰
郡國圖其卷與新志同皆冠以元和三者了不相似以今
所刻證之皆非也地理之最莫切於圖書周官職方氏掌
天下之圖要周知其利害沛公入關蕭何收秦丞相府圖
籍具知阨塞戶口多少疆弱處基漢為雄光武與鄧禹論
天下郡國亦披輿地圖乃克見則不出戶庭而九州萬里
在吾目中如策馬并轡援衣挈領舍此誰則然方趙公為

元本君異志
相疆藩悍帥狃正元餘習擅地自予朝廷莫敢訶而能以
期年間易三十六鎮魏田季安病公請以滑任薛平成重
兵邢洺因圖上河北險要憲宗張於浴堂門壁每歎曰朕
日按圖信如卿料則其所著書蓋已見之行事矣豈直區
區紙上語而已哉幾仲

先忠烈王勳在豸鼎為
中興社稷臣幾仲濟美孫家文史聲敵有晋宗勝流風度
方守國西門維谷緩帶躡屣子元凱故蹟一旦
天子讀此書悼河山之獨西想燕冀而忼慨勝為此願思
有所出趙營平不必馳至金城圖上方畧馬伏波不必聚

次為山畫形執幾仲知之矣予願拭目焉本作書之旨
則趙公之叔固在今揭于篇首淳熙三年十一月番陽洪
邁書



子願少有四方志遠長慕焉比年數被
上委使尋復領將長州奏事

便殿

上諭曰地驅原隰爾素志也願昧陋何以克承

玉音泊至郡每登岷山撫中原未始不歎息久之思有以
自効者浩不知其涯焉會故人程刑部寄元和郡縣圖志
閱之嗟然有感仰惟

明主抗天下之先制羣生之命者不在茲乎亟用版傳以
資有志者善贊

恢拓之書又得程洪二銘公題品詳贍斯文為不朽矣昔



不...

司馬子長南游江淮上會稽探禹穴關九疑 涉汶泗東
 觀齊魯孔子之遺風西使巴蜀
 廣博馳騁古今愚不敏誰敢擬
 竭繇薄子吳時益有務于是書
 上之一云淳熙三年十二月朔旦
 亦
 上秦張子藏南學



光緒丁亥馬...
 在...
 ...